



16. juli 2014.

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

Apeqqutit:

1.

Aningaasanut Inatsimmi sumi allaqqava aviisinut nuna tamakkerlugu saqqummersartunut tapiissuteqartoqassappat qinnuteqartut amigartooruteqarsimanissaat pi-umasaqaataasoq?

2.

Naalakkersuisut aviisinut nuna tamakkerlugu saqqummersartunut tapiissutit piivin- nissaat pilersaarutigaat?

3.

Naalakkersuisut isumaqarpat, tusagassiuutit pisortaniit tapiiffigineqartartut tas- saanngitsut naqisimaneqanngitsut, killiligaanatillu oqaaseqarsinnaanertik ator- sinnaanngikkaat?

4.

Naalakkersuisut ilisimavaat tapiissutit inatsisit malillugit taamaallaat aviisinut nu- na tamakkerlugu saqqummersartunut tapiissutigineqarsinnaasut?

(Inatsisartunut ilaasortaq Naaja Nathanielsen, Inuit Ataqatigiit)

Tunngavilersuut:

Assut tupigusuutigivara Naalakkersuisut Mediehuset Sermitsiaq/AG ukiumi aningaasaliiffiu- sumi matumani tapiiffigiumasimannngimmassuk. Naalakkersuisut siulittaasuata Aleqa Ham- mondip innersuuppaa tusagassiivik sinneqartoorteqarmat, taamaammallu tapiiffigineqar- nissaa pisariaqarsorinagu. Siulittaasoq isumaqarpoq tamatuma nassatarissagaa maanna tu- sagassiuuteqalissagatta naqisimaneqanngitsumik arlaannaannulluunniillu attuumanngitsu- mik, tamannalu killilersugaanani oqaaseqarsinnaanermut iluaqutaassasoq. Ilutigisaanik siu- littaasoq oqarpoq Sermitsiamut AG-mullu itingartitsinerup nassatarissagaa nunatsinni tusa- gassiuutit tamarmik tapiissutinik qinnuteqarsinnaalernerat.

Aningaasanut inatsimmi kontop 10.06.24-p (aviisinut nuna tamakkerlugu saqqummersartu- nut tapiissutit) ataani allaqqavoq, piumasqaataasoq sapaatip-akunneri tamaasa aviisinik nuna tamakkerlugu saqqummersartunik kalaallisut qaallunaatullu naqitsoisoqartassasoq. Kisianni allaqqasoqanngilaq aviisi ingerlatsinermigut amigartooruteqassasoq¹.

Qinnutigissavara ullut suliiffiit qulit qaangiutsinnagu apeqqutit tamarmik akineqarnissaat.

1

<http://naalakkersuisut.gl/~media/Nanoq/Files/Attached%20Files/Finans/DK/Finanslov/2014/Finanslov%202014%20DK.pdf>, side 137

<http://naalakkersuisut.gl/~media/Nanoq/Files/Attached%20Files/Finans/GL/Finanslov/Finanslov%202014%20KAL.pdf>, side 153